

Forfatter: Blicher, Steen Steensen

Titel: Udrag fra E Bindstouw (DK) (paralleltekst med Rigsmålgengivelse)

Citation: Blicher, Steen Steensen: "Noveller", i Blicher, Steen Steensen: *Noveller*, udg. af Esther Kielberg ; Henrik Ljungberg , Det Danske Sprog- og Litteraturselskab, Borgen, 1991, s. 242. Onlineudgave fra Arkiv for Dansk Litteratur: <https://tekster.kb.dk/catalog/adl-texts-blic03val-shoot-idm140515387475392/facsimile.pdf> (tilgået 26. april 2024)

Anvendt udgave: Noveller

de blew befolh, te e Kjerck sku rywwes niet, faa den hæ grusselig Gjanning; aa sihn haar e Folk, dæ hor te Luhn Sown, goen te Tuening Kjerck. – De wa no de; men I skul ha aa vehd, hudden de gik mæ hin-ner e Skræpihg. Si kons no: Ham den ungest Broer han kjøwt Anns-bjerre – for e Fraaww dæh knap ætter te hinne Kjarrest wa muered. Men e Goer hed et Annsbjerre indda; den haad et ant Nawn, ingen Noløwend ka hœww. De Nawn, en haac no, fek en ætte de hæ kon Tæs i Skræc – faa hun hed Ann; aa da e Herremand ett ku faalokh hin ve nowwn Meddel, saa taw han hin te Kuen i Tugt aa Ehr, aa kled hinner op i Silki aa Dammask – de wa no aant end en rœe Binn-trœww aa et Par Stunthuser. Di lœwwed glæddele tesammens i man-ne Herrens Oer. De siht A besøgt dem, ga di mæ en Kaarre ful aa Brænvien, aa et Glas ful aa Brœe, aa en Skjelling i mi Paang. No æ den Histaarri ett længer.»

«Den war ett saa mœd towwele» saah e Skwolmæjster. «Men no sku vi wal haac en Vihs. Syng fram, Visti! Do ka jow saamaange som dær æ Finger aa Tæer paa wos Aalsammel. Men de sku væ søen en plasiel jen.» Visti ga hans Naaggel et Snow, læhted sæ fræ e Stuel, trak op i hans Bowser, sat sæ igjen, spœtted hans Skroe ued, aa tow ve gilik:

«Øwli han wa sæ saa lœste en Swenh,
Skul han et Åren, saa stak han irenh
Hisop aa hæhnier.
Gik han mæ Hjelli aa gik han mæ Plow,
Aaller haad han Row,
Undtawwen nær han sow
Saa søhdele, saa blœhdele.

Skjon Else hun æ sæ en Frœken saa fiin,
Hun gor i Silke aa Moer aa Hermelien
Hisop aa hæhnier.
So hun ham Øwli i Mark elle Skow
Aalle haad hun Row,